

Broj: 03-34-3189-1/23
Mostar, 14. 7. 2023. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**
n/r gosp. Izmir Hadžić, sekretar
Hamdije Kreševljakovića br. 3
71000 Sarajevo

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primito: 24-07-2023			
Org. jed.	Broj	Priloga	Vrijednost
05/2	-02-	179	123

PREDMET: Odgovor na delegatska pitanja postavljena na 2. sjednici Doma naroda Parlamenta Federacije Bosne i Hercegovine, održanoj 26. 6. 2023. godine, dostavlja se

VEZA: Vaš akt broj 05/2-02-179/23 od 3. 7. 2023. godine

Poštovani,

Federalno ministarstvo obrazovanja i nauke je 13.7.2023. godine zaprimilo Vaš akt broj 05/2-02-179/23 od 3. 7. 2023. godine, kojim nas obavještavate da je na 2. sjednici Doma naroda Parlamenta Federacije Bosne i Hercegovine, održanoj 26. 6. 2023. godine, delegat Damir Marjanović uputio Federalnom ministarstvu obrazovanja i nauke dva pitanja: „Na osnovu kojih kriterija će se dodijeliti sredstva za projekte iz nauke?“ i „Da li Federalno ministarstvo obrazovanja i nauke planira pokrenuti reviziju udžbenika i da li će ta revizija ići u pravcu modernizacije udžbenika?“

Što se tiče nauke, obavještavamo Vas da su kriteriji za dodjelu sredstava u okviru svih programa i projekata u oblasti nauke definisani i odobreni Odlukom o usvajanju Programa utroška sredstava sa kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2023. godinu Federalnog ministarstva obrazovanja i nauke, koju je usvojila Vlada Federacije Bosne i Hercegovine na sjednici održanoj 14. 4. 2023. godine, a koja je objavljena u „Službenim novinama Federacije BiH“, broj 28/23.

Kada je riječ o udžbenicima, potrebno je istaknuti da se udžbenička politika u Federaciji BiH reguliše Odlukom o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole, koju donosi Koordinacija ministara obrazovanja i nauke u Federaciji BiH. Federalno ministarstvo obrazovanja i nauke ima koordinirajuću ulogu u tom procesu, a sve odluke u okviru udžbeničke politike donosi Koordinacija ministara obrazovanja u FBiH.

Main body of faint text, appearing to be a list or series of entries, possibly a table of contents or a list of items.

Section of text, possibly a paragraph or a list of items, located in the middle of the page.

Section of text, possibly a paragraph or a list of items, located in the lower middle of the page.

Section of text at the bottom of the page, possibly a conclusion or a list of items.

U skladu sa gore navedenom Odlukom, plan potreba za novim, odnosno usklađivanje postojećih udžbenika, utvrđuje Koordinacija, istovremeno sa donošenjem novih, odnosno izmjenama i dopunama postojećih nastavnih planova i programa za osnovne i srednje škole. Sam postupak odobravanja udžbenika počinje raspisivanjem javnog konkursa za pribavljanje rukopisa udžbenika i drugih nastavnih sredstava. Dakle, Koordinacija ministara obrazovanja i nauke u Federaciji BiH sačinjava plan potreba za novim udžbenicima i drugim nastavnim sredstvima.

Ovdje je potrebno istaknuti da je u prethodnom periodu izvršena revizija okvirnih nastavnih planova i programa za 1, 2. i 3. razred devetogodišnje osnovne škole, na osnovu detaljne evaluacije ovih nastavnih planova i programa. Kako bi se dobili što kvalitetniji udžbenici, na osnovu ovih, revidiranih nastavnih planova i programa, raspisan je Javni konkurs za pribavljanje rukopisa radnih udžbenika za 1. razred, odnosno udžbenika za 2. i 3. razred devetogodišnje osnovne škole. Ovaj konkurs je rezultirao odobravanjem 80 novih naslova koji se koriste za realizaciju nastavnih sadržaja utvrđenih revidiranim okvirnim nastavnim planovima i programima za ove razrede, a povučeno je 105 starih naslova.

Pored toga, Federalno ministarstvo obrazovanja i nauke, u skladu sa navedenom Odlukom, promptno reaguje kada zaprimi bilo kakav zahtjev pravnih ili fizičkih osoba o uočenim nedostacima ili nejasnoćama u udžbenicima. Dakle, u skladu sa Odlukom o postupku pripremanja i odobravanja udžbenika, radnih udžbenika i drugih nastavnih sredstava za osnovne i srednje škole, Federalno ministarstvo obrazovanja i nauke, odnosno kantonalna ministarstva nadležna za obrazovanje su dužna obavijestiti Koordinaciju ministara obrazovanja i nauke u Federaciji BiH o zahtjevima pravnih ili fizičkih osoba koji se odnose na uočene propuste, nejasnoće ili materijalne greške u odobrenim udžbenicima. S tim u vezi, Koordinacija ministara obrazovanja i nauke u Federaciji BiH je dala odobrenje da se izvrši superrecenziranje šest već odobrenih udžbenika. Nakon pribavljenih mišljenja stručnih timova za superrecenziranje odobrenih udžbenika, odlučeno je da se u tri slučaja već odobreni udžbenici povuku iz upotrebe, a u tri slučaja su izvršene tražene korekcije u udžbeniku. U slučajevima gdje su izvršene korekcije koje su tražili superrecenzenti, superrecenzirani udžbenici su ostali na Spisku odobrenih udžbenika, priručnika, radnih listova i zbirki zadataka za osnovne škole, gimnazije i srednje tehničke i stručne škole.

Nadalje, Federalno ministarstvo obrazovanja i nauke je zaprimilo zahtjeve izdavačkih kuća za odobravanje inoviranih već odobrenih udžbenika u cilju poboljšavanja njihove kvalitete, a kako bi se pratili svjetski trendovi i prilagodili aktuelnim temama i tehnologijama. Nakon provedene procedure, inovirani udžbenici su u upotrebi u školama u Federaciji Bosne i Hercegovine. Imajući u vidu da se Vaše pitanje odnosilo i na modernizaciju udžbenika, potrebno je istaknuti i da gore navedena Odluka utvrđuje da štampano izdanje udžbenika može biti dio multimedijalnog kompleta koji sadrži elektronska izdanja koja su opravdana ako se u njima nalaze sadržaji koji se ne mogu lako uvrstiti u klasične štampane udžbenike, a koji na bitan način potpomažu proces učenja sa razumijevanjem.

S obzirom na to da je u toku kurikularna reforma u Federaciji Bosne i Hercegovine, kao segment sveobuhvatne obrazovne reforme, ona će zahtijevati, po okončanju izrade predmetnih kurikuluma, izradu i novih udžbenika i nastavnih materijala, a u